



Inatsisartunut ilaasortamut
Jens-Frederik Nielsen
Demokraatit

**Uranimut inerteqquteqarnerup suliarineqarneranut atatillugu inatsisitigut
ilisimasalinnit nassuiaat pillugu § 37 naapertorlugu apeqquteqaammut nr.
157-2021-mut akissut.**

29-11-2021
Suliap nr. 2021 - 19196

Postboks 930
3900 Nuuk
Tlf. (+299) 34 68 00
Fax (+299) 43 02
E-mail: asn@nanoq.gl
www.naalakkersuisut.gl

Asasara Jens-Frederik Nielsen

Annikitsumik aatsitassarsiornissaq pillugu apeqqutit matuma kinguliani
allassimasut Inatsisartut suleriaasianni § 37, imm. 1 naapertorlugu
Naalakkersuisunut saqqummiuppatit, taakkualu matumani
akissuteqarfigineqarput.

1. **Naalakkersuisut inatsisitigut ilisimasalinnik nassuiaatitsisimappat
uranimik pīaanngilluinnarnissap kingunerani pīaanissamut
akuersissummik pisinnaasimangitsunut, suliffeqarfinnut
taarsiissuteqarnissamik pisussaaffeqariataarnissamik
misissuisitsisoqarsimanerluni?**
 - a. **Aappiuppat; Naalakkersuisut ilisimasallit akissutaat tamanut
nalunaarutigerusuppat?**
 - b. **Naamiuppat; ilisimasalinnik misissuisitsinissaq soq
toqqarneqarsimanngila?**

AKISSUT:

Uranimut inatsisip suliarineqarneranut atatillugu Eqqartuussissuserisut
suliffeqarfianit Poul Schmith-imit inatsisitigut nalilersuineq
Naalakkersuisut suliaritippaat.

Allakkiaq pisortat ingerlatsinerat pillugu paasitinneqarsinnaatitaaneq
pillugu Inatsisartut inatsisaat nr. 9, 13. juni 1994-imeersumi § 10, nr. 4
malillugu allagaatinik paasitinneqarsinnaatitaanermi ilaatinneqanngilaq,
tassami allakkiaq ilaatigut pissutsinik eqqartuussivimmi suliakkiinermi
pineqartuusinnaasunik inatsisitigut nalilersuinermik imaqarmat.

2. Naalakkersuisut kikkut siunnersuisorisimavaat uranimik piiianngilluinnarnissap kinguneranik Namminersorlutik Oqartussat taarsiissuteqarnissamik pisussaaffilerneqannginnissaq taama qularineqanngitsigisumik oqariartuuteqatoqarnerani??

AKISSUT:

Apeqquut nr. 1-imut akissut takuuk

3. Naalakkersuisut suliamut tunngassuteqartunik allanik paasissutissiisinnaappat?

Naamik.

Inussiarnersumik inuulluaqqusillunga


Naaja H. Nathanielsen



17. november 2021

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquteqaateqarpunga:

Naalakkersuisunut apeqquteqaatit:

1. Naalakkersuisut inatsisitigut ilisimasalinnik nassuiaatitsisimappat uranimik piiaanngilluinnarnissap kingunerani piiaanissamut akuersisummik pisinnaasimanningsunut, suliffeqarfinnut taarsiissuteqarnissamik pisussaaffeqariataarnissamik misissuisitsisoqarsimanerluni?
 - a. Aappiuppat; Naalakkersuisut ilisimasallit akissutaat tamanut nalunaarutigerusuppaat?
 - b. Naamiuppat; ilisimasalinnik misissuisitsinissaq sooq toqqarneqarsimannigila?
2. Naalakkersuisut kikkut siunnersuisorisimavaat uranimik piiaanngilluinnarnissap kinguneranik Namminersorlutik Oqartussat taarsiissuteqarnissamik pisussaaffilerneqannginnissaq taama qularineqanngitsigisumik oqariartuuteqatoqarnerani?
3. Naalakkersuisut suliamut tunngassuteqartunik allanik paasisutissiisinnaappat?

(Inatsisartunut ilaasortaq Jens-Frederik Nielsen, Demokraatit)

Tunngavilersuut

Inatsisartuni amerlanerussuteqaqqalaartut Naalakkersuisut innersuussineratigut uranimik piiaanissap inerteqqutigineqarnissaa aaliangerpaat. Tamassuma kingunerissagunavippaa, ingerlatseqatigiiffiit, piiaanissamut akuersisummik tunineqanngitsoornissaat naak, taakku misissuineranut aningaasarpassuit atoreersimagaluarlugit.

Naalakkersuisut aaliangiusimajuaannarpaat, ingerlatseqatigiiffiit tamassuma kingunerisaanik taarsiiffigineqarnissaminut pisinnaatitaaffeqannginnerat, uangali eqqaamanngilara inatsisilerituunit tassunga tunngasumik oqaaseqaateqartoqarsimaneranik. Taamaattumik soqutigaara paasisallugu Naalakkersuisut naliliinerat ilimaginninnermik tunngaveqarnersoq imaluunniit inatsisunik ilisimasalinnit pisanerseq.

Apeqqutima ullut suliffiusut qulit iluanni akineqarnissaat kissaatigaara.